

Գիտութիւն լիցի մեծագոր և ինքնակալ Տէրութեանդ Չերում, ու քաջագոր բարեյաղթ արքայ, զի զփոքրիկ հօտդ մեր տարակացեալ ի մէնջ տեղեալ, որ ի բազում ամաց ընդ հովանեալ հօր Չերոյ ինքնակալ Տէրութեանդ են ամփոփեալ, որ և հօր Տէրութիւնդ Չեր ոչ միայն հովուարար է խնամեալ, այլ և հայրաբար սիրով. որ և մեք վասն զոցին բարեկեցիկ լինելոյն և որդիաբար խնամարկելոյն ի ձերմէ հօր տէրութենէ, պանծացեալ եմք և պանծամք ի մէջ այլասեռից ազգաց, և հանապազ աղօթս մատուցանեմք վասն մեծագոր Տէրութեան ձերում, զի խաղաղութեամբ և հանգարտութեամբ վարեացեն դոքա զկեանս իւրեանց, հանդերձ հայրենաւանդ կրօնիւք և սահմանօք իւրեանց: Իսկ այժմու ժամանակս զի՞նչ ասացից. զի ըստ տեսլեան Սրբոյն Գրիգորի մերոյ Լուսաւորչի, զոր անխնայաբար գիշատեաց զհօտ իւր՝ գայլ եղեալ հովուին. նոյնպէս և ողորմելեացդ այդոցիկ պատահեաց յանուանեալ հովուէ իւրեանց, որ և յայտնի է հօր տէրութեանդ ձերում, զրկումն զոցին և անիրաւութիւն գայլասարաս հովուին: Չոր եթէ հօր տէրութիւնդ ձեր ոչ էր ամփոփեալ զդոսա ընդ թևօք խնամոց, վաղազոյն ուրեմն կլեալ էր անիրաւին զողորմելոսդ: Վասն որոյ յոյժ շնորհակալ եմք ի ձերմէ ինքնակալ թագաւորութենէ, որ այդպիսի բարերարութիւն և ողորմութիւն ցուցեալ էք և ցուցանէք զրկեալ և տառապեալ փոքրիկ հօտի մերում. և բարերարութիւնդ այդ՝ ոչ եթէ միայն մեզ է համարեալ, այլ մանաւանդ և Քրիստոսի, զի տեսանանման ամփոփեալ է ձեր գտառապեալ հօտդ, և ոչ է տուեալ թոյլ գայլաքատակ հովուին գիշատել զդոսա: Որ և մեք տեսանելով զանշափելի գութ ձեր և ողորմութիւն որ ի վերայ տառապելոցդ, օրհնեմք հանապազ զքրիստոսապարգեւ թագաւորութիւնդ Չեր, և ցանկամք տոչորմամբ սրտիւ՝ տեսանել զիրաւասէր ինքնակալ Տէրութիւնդ Չեր յայսմ աշխարհի. զի ոչ է այսմ հնար լինելոյ, ի հանդերձեալն ունիմք յոյս տեսանելոյ զմիմեանս:

Ահա, ըստ մերոցս սրտի բաղձանաց առաքեցաք առ ինքնակալ տէրութիւնդ Չեր՝ զհոգևոր որդեակքն մեր և զհաւատարիմ խորհրդակիցքն, զՏէր Գրիգորիոս եպիսկոպոսն ընդ միոյ կրօնաւորի. զոր ինչ վասն մեր է՝ ի նոցանէ լուիցէ ինքնակալութիւնդ Չեր: Եւ զիտեմք հաւաստեալ՝ զի ինքնակալութիւնդ Չեր ամենեւին անկարօտ է երկրային նիւթոց. ահա զանձ երկնային որ առ մեզ գտանիւր՝ զբազմաց փափաքելի նշխարաց Առաքելոց՝ Թադէոսի և Բարդուղիմէոսի և Թովմայի և Մատթէոսի աւետարանչի, և շքնաղագեզ օրիորդին Քրիստոսի սրբոյ կուսին Հսիփսիմեայ, առաքեցաք պարգեւ մեծագոր թագաւորութեանդ, առ ի պահպանութիւն ինքնակալ թագաւորութեան Չերում, և ի բարեխօսութիւն վասն տառապեալ և զրկեալ հօտից մերոց. և ի միւսանգամ գալտեան Քրիստոսի անվթար առաջնորդող ինքնակալ թագաւորութեանդ յանանց թագաւորութիւնն: Վասն որոյ սիրալիր մաղթանօք խնդրեմք ի մեծագոր թագաւորութենէ Չերմէ, զի որպէս նախնիքն ձեր մինչև Չեր ինքնակալութիւնդ՝ զփոքրիկ հօտդ մեր պահեալ են իւրեանց կրօնիւքն և աւան,